

葆璞堂詩集



05761

乾隆壬辰年輯

葆璞堂詩集

本堂藏板



葆璞堂集函壹


胡澹沅照

計肆



Faint bleed-through text from the reverse side of the page, including characters like '朝文', '求其有', '木末', '可觀', '出右', '得數人', '馬湯文', '理學問', '煥燦', '燦燦', '燦燦'.

扶輿清泚之氣磅礴
而為人文萃而為理學
竊論我



朝文治蔚興名公卿比肩林立
求其有體有用本末可觀出處
一揆則於中州得數人焉湯文

序

一

正張清恪其選也繼之者厥惟
宗伯胡紫筠先生先生旁即有
志聖賢之學鄉薦後浮湛公
車幾三十年洎登第入詞林回
翔禁近游涉清班未嘗一日
廢學諸經中允研精於易語

云韋編三絕鍊鑄三折漆書
三滅殆不虛也蓋其深嗜篤
好有寤寐義文於千載之上者
故持論不主一家而出其自得
律、不惜與先儒辯難嘗曰吾
背傳也而不敢背經

序

二

聖祖朝數、召對宮廷命之講
易亘時逾畧前後數千百言屢
蒙

俞旨有苦心讀書之褒余少遊
京輦與先生為忘年友後為館
後進每過從攷評得讀先生著

作雖一鬻半豹皆深味義根足
啓蒙禱玉論詩文門仞則與予
有苔岑之契

世宗初年先生進耕藉詩河
清賦甚邀激賞尋躋卿貳數
年罷歸

序

三

上御極入覲京師特復原官未
幾卒先生生平可攷者如此予懸
車二十餘年先生季子季堂
秉臬江左哀攀其所為葆璞
堂詩文集寄予校訂且請予序
予頷何能為先生元晏哉雖然

昔東坡序范希文遺稿有不及見之恨而深以得識其子仲彝季為幸予於先生雖年輩少後而親炙其言論風旨又五十餘年親見其季為孤自立荷

聖主恩深念舊由倅守拔至

序

四

大僚將續先生未竟之業以副九重昆倚復能繼承家學表彰先生之遺言不亦較東坡有餘快乎先生詩文各四卷詩則自抒骨髓質直而指深和平而趣博若無意於求工者而繩之法

律不奕銖柔文則根極理要
宣德達情之作政為剴切而因
物明道從身心體認得來於宋
元前哲中差近屏山草廬諸
家洵布帛菽粟之文也曰并次
其出虛崖略以復司臬以告天
序

五

下之能讀父書者即以備他日續
治學一編者之採擇吾知其非
溢美也已

嘉禾館侍錢陳羣撰

時年八十有七手錄



序

司空表聖論詩云俯仰即是不
取諸鄰與道俱往著手成春蓋
言左右逢原之樂而無事乎穿
穴險固也張無垢讀杜詩至野
色更無山間斷天光直與水相

序

一

通以為悟理者觸境皆如此此
可以破章句之習矣吾師胡滄
曉先生精研周易學者莫能尋
其際其於雕鑿藻悅之學不屑
肩也然和順之積久而時發為詩
歌理趣高遠自然成體間或比

次經訓聯之以韵語二淵淵乎
有邵子擊壤之風焉所謂著手
成春者徃往而是非先生心平
志愉動息於道觀理熟而資之
深未易襲取也古之人不下帶
而道存目之所遇化機流行神

序

二

明不圍有默識而心騫者詩曰
鳶飛戾天魚躍於淵其諸表聖
俯仰即是之謂歟記曰天高地
下萬物散殊而禮制行焉流而
不息合同而化而樂興焉其杜
詩野色山光之謂歟讀先生詩

者其尚以此意求之至先生服
躬經世之畧啓豐序先生文既
詳著之矣茲不復論云
乾隆三十七年夏六月

受業門人彭啓豐拜撰



序

三



錄其造以此意求之至先生服
躬經世之畧啓豐序先生文既
詳著之矣茲不復論云
乾隆三十七年夏六月

玩松山人穆
氏大展局刻

予少侍先大夫即聞光山有胡少宗伯
滄曉先生研精易理弁冕經師雖不能至
心嚮往之比游燕而先生下世已久訪
其遺書猝不可得深為悵然丁亥冬予奉
命監郡隴西以綜理新疆局務留寓省垣
越一載而先生哲嗣雲坡五兄亦以陳
臬來甘肅且同理局事暇時因出先生
所著周易函書見眎蒼萃甚博折衷甚精

序

一

言理不失之晦言數不失之鑿予尋澤觀
玩服先生之學之奧且深而予二十年
之私願始得大償也然猶未見其詩庚寅
春雲坡又以葆璞堂詩屬予論次予受而
讀之其骨凝然其氣藹然古體攢雅而有
神今體生新而遠俗至於窮經有得抒寫
性靈則又素所蓄積如數家珍迴異于尋
常隔膜語夫詩為六經之一言志章教奉

非可苟焉而已。顧自漢魏以還，能詩者鮮。窮經窮經者，鮮能詩。鴻溝一畫，莫或兩兼。至宋儒始欲兼之，而程邵諸公又以理勝。惟朱子詩冲和溫雅，德人之言，有三百篇遺意。蓋通才若斯之難也。今觀先生此集，奇而法正，而葩以易學之旨，蘊寫詩人之性情，不詭於理，而又不滯於理。次其風格，可以上追考亭，苟非涵養深醇，功夫精

序

二

粹，其孰能與於斯耶？抑又有感者，古人以有女為不朽，有子為不死。今雲坡功名事業，克紹前徽，而又能保護遺文，以芝梨棗，即扣槃扞燭如予者，尚不惜殷勤下問，于以歎明德之後，必有達人而區區招撓衣裳之慕，尚不足以盡之也。更用以諗當世之讀斯集者，時乾隆重光單闕之履端月。東吳館後學愚姪畢沅拜撰。

葆璞堂詩集總目

卷一

古今體詩一百七首

卷二

古今體詩一百十首

卷三

古今體詩一百四十一首

卷四

古今體詩一百二十一首

葆璞堂詩總目

葆璞堂詩集卷一



光山胡煦滄曉

勵志篇

几案盛書帙探閱渺無極荆榛迷道路俯仰增歎
息怡儼及行踪志氣轉皇惑關楨在何許端委不
可得虔修一瓣香質之賢聖側神若碁之言在昔
有儀式大禹惜寸陰皇皇於日吳孔子拔其萃發
憤且忘食自顧何如者乃不自整飭恭為德之基
惰者德之賊志懈宜自愆意馳宜自力不愆與不
力因循蠹燬德勿謂天聽遙感通難遽測見聞不
葆璞堂詩集 卷一 一

壽天一梁夫子

美人曾已賦山榛近許程門得漸親名向天池揮
鳳藻才從藜閣激華津騶虞化雨沾南國桃李春
風湛潁濱自有文章關性命不隨風會漫逡巡

碧沼

碧沼涵光靜朱霞度影深浮天映星月川上古人

心

月

玉輪展空碧金螭耀海濱天光渾似水曾照古今人

贈曹受可

截竹誅茅三四間多人稱是地行仙文章古劍藏
牛斗意氣雄風薄趙燕自蓄郵筒供莞爾手營陶
菊總蕭然多情鷗鳥緣何事栖在窓西綠水邊

乙丑冬晤天植於西江索詩歸祝仲復年伯
靈苞毓天地摩蕩以盡神造化信難秘蔚然儲席
珍或在廊廟間探指揮鴻鈞或故老其才遲遲羈
海濱蒼溟有乘除達士葆其真西江晤何子素心

葆璞堂詩集

卷一

二

為之伸以彼落落志抒予款款忱明月滿屋梁剪
燈未覺頻挹君湖海氣初非遊浪人我行亦已遠
鯉庭疎夕晨君將萊子意持娛高堂椿榻管徒贈
言結念愧敷陳相期鼓長風努力向秋旻

憶書五首

前年綠綺賦離居近復搜尋二酉書拋擲短檠停
夜火安排長鋪課春蔬青萍負氣羞彈缺子石多
情戀敝廬也覺小窓太岑寂教人容易過三餘
舶艫翻風透曉簷黃梅過雨濕疎簾誰教陽魄收
靈醖孰挽書魔到黑甜海嶽畫圖韋玉案長源青

白負牙籤更虞脉望猶餐字未必芸香取次添
細帙縹囊久未親封榭開見隔年塵蟪蛛經界都
成國饒蠹休糧也怪人慕火漫吹天祿杖壁燈慵
鑿稚圭隣常如身屬無懷氏烏紀龍文尚未真
益友閒絨晤所思書籠比似藥籠宜海鯤藉汝搏
羊角荆玉憑君薦鹿皮籤上朱紅今錯落卷中甲
乙更參差有誰秘閣儲經笥與較青箱夜分藜
鄴架函封竟欲疏相思何地不躊躇薰風夢覺清
涼候篝火更深寂寞初栳捲似忘先世澤雁鴻鮮
報故人書南宮生性由来癖或恐前身是蠹魚

葆璞堂詩集

卷一

三

黃鶴樓

岑樓繡拱手親捫崔顥題名迹尚存仰摘星辰天
宇濶俯臨江漢峽門喧舊時鶴化元裳影今日雲
籠白浪翻安得仙翁把長笛隨風高動岳陽尊

華巖洞

洞有彌勒大士二像
皆積年石乳所成

斲削費天巧寧知造化新
六空如凍雷珠動若懸
津悟我法非法得他身
外身蓬萊在何許長此幾
千春

憑虛洞

不須雞犬入雲中
陡覺桃源路可通
尚有潭容金

鯽鯉從無人把釣，絲風拖唇燕子巢。成窟懸乳閣，
黎敲作鐘更說誇。訝最深處石田修，竹一叢叢。

金達泛灘作

萬頃波光涌碧湍，水關添棹上來難。於今得借輕
風便，穩泛中流自在船。

庚午十一月廿九日先大人諱辰作

望極窮霄不憚頻，天涯路杳隔雲津。經年無字書
華表，結夢沉思想舊身。

房櫳深處掩黃昏，病眼看天未覺繁。悔怕無端驚
瘦骨，不多添語問遺言。

葆璞堂詩集

卷一

四

記得依依在膝前，去年今日始悽然。室廬如故綠
山遠，冷向西風泣杜鵑。

先王母入邑志恭賦

曾聞儉素禮梅檀，紡績功多母教端。赤火有靈銷
刺骨，青山無地葬餘棺。生前抗節賢名久，死後流
芳好字難。落得口碑傳萬載，高風留待後人看。

同祛侯次公顯若秉哲攻玉登大觀樓小飲
平添洲渚色，爾我共周旋。縞縠平拖練，迴瀾巧摺
箋。小言穿石水，微僂拜人仙。星觸明珠動，杯傾綠
玉濺。畫沙書大篆，破浪策雄鞭。鷗鷺呼之語，魚龍

驚不眠蘇門鼓長頰餘醉笑青天

重陽登紫水塔

便是龍山會無如此會強行行歷石級步步拜靈
光徧酌賢人酒分簪隱者香科頭無帽落俯首看
雲翔枚子輸先道萸羹許後嘗鶴林花解語催得
滿庭芳

陽武楊孺人節烈詩

惟天有正氣中閨毓令儀前哲詎足芳矯節匪所
思嘗聞義姑事亦讀柏舟詩面或為之毀耳或為
之夸十八為君婦頻為後嗣孺子纔數月棄之

葆璞堂詩集

卷一

五

何如遺鶴髮堂前姑窮途將倚誰茹藥六七年心
期梁屋知弱子與嗣子胡為兩俱陳老姑悲不勝
感此泰山頽憶昔初嫁君遺言那可違所志訖不
就苟生良可悲延頸竊自經九原成追隨嗟哉孱
弱質綱常凜若茲黃金為志氣金虧志不虧白石
作心腸石移心不移如霜復如雪如水復如葵霜
比烈烈操雪比皎皎姿水流無斷絕葵向匪參差
日月照貞珉紀此黃絹詞

送唐明府

暮四朝三術異同誑愚何但一狙公緝袍覺後慚

須賈綿蕞後前誤叔通磊落豈無經世業推移應
號信天翁中心最恨彈碁局賴得均調有化工

贈田膚功

謫仙丰韻杜陵詩邂逅相逢盡一卮不信馬周長
逆旅何當李廣獨羈遲揮鞭先已乘風去學圃終
慚落第時我亦歐陽門下士辦香浮動海雲知

張黃授館於邑之長潭得八景各係以詩步

韻和之

孟公聳翠

霧幃雲屏也自雄巧眉新樣頗相同諸峯羅列真
葆璞堂詩集 卷一 六
兒子一柱當空是孟公蛾綠偶然添畫筆鴉青畢
竟費神工年來好眼偏私我豁向寒暄靜對中

羚羊秀屏

翠屏高聳太希竒樹繞烟村竹作籬天路兩邊分
碧落人家一帶入晨炊雖無永叔山中記賴有王
維畫裏詩白石蒼藤巖太古漁樵能到不能知

鼓峯爽氣

絕巘都盧不可躋欖槍曾此伐征輦雲旗自展凌
霄路雨陣分排探月梯刁斗聲殘天已老鼉鼉雄
壓水猶低於今村落無桴鼓朝爽頻教兩袖攜

龍溝瀑布

唵呀曾與石泉通一徑穿山注此中自有聲歌饒
鼓吹不勞裁剪置幘幪槎浮雲漢天無極機繞流
黃照未窮儘好題詩無巧手天孫端的費神工

桃源石洞

洞裏人家道是秦花時從不染風塵逢人不信乾
坤大過眼全疑歲月新佳處偶然成捷徑窮源到
底屬迷津分明記得漁郎說雞犬桑麻即隱淪

石潭夜月

清華一向石潭生風掣波迴觸水晶寶鏡兩盤秋
葆璞堂詩集

卷一

七

隐隐明珠雙動夜盈盈分將玉兔中間魄添得銀
河分外明庾興自來差不淺况增沉碧起幽情

東河宿霧

誰將烟景望中開沒石巖霞作一堆直去似雲探
木末橫拖如帶束山隈都疑曙色河間少不見人
踪嶺上來只待氤氳消散後好從天際認蓬萊

三際曉鐘

月影空濛夜氣清嘗從枕畔得鐘鳴南門消息金
雞動北闕班聯彩仗迎晏歲我猶耽苦讀有年誰
不稱勤耕大音欲作頻頻叩淨洗胸中百不平

乙亥元日步玉友李明府韻

南枝纔放暖又見物華新覓坐求高士敲詩報故人粉窩初試水蠟燕已宜春不待鄒陽律和風漸覺親

靜籟生天籥晨曦當署新梅風香處士薇露浣詩人賦擬椒花頌孟傳竹葉春琴書如可共從倚自相親

元夜李玉友署中看磚花

不獨東皇擅化工祝融也解鑄春紅既添繁蕊垂垂朶復茁靈芽密密鼓金谷多年培地力隋廷幾葆璞堂詩集

卷一

八

日費人功只愁蛺蝶無憑據未敢尋芳趁晚風春宵點染出天工一抹虬稍掣曉紅瓊圃栽成仙桂種上林植得錦香叢誰將炎帝經綸手換出勾芒造化功幾度喚醒蝴蝶夢教伊栩栩漫從風

山行

行行穿過竹籬笆蘿薜蒙茸磴道斜風竅洞巖天自語水凌盤瀑石能花松頭放鶴遺仙距樹杪栖雞學暮鴉莫道武陵深不到亂雲左側是桑麻

即事

頗覺芸櫛興味長那能詭遇學王良竟忘單戶蓬

茅隘賴有奎文翰墨香不飲也常擊酒盞無錢時
復探空囊山林何必皆名士為惱煩名築屏墻

見新歷同理仲舅祖翁作

一年纔過小陽春又見初頒鳳紀新人與梅花同
格韻庭餘雪影倍精神莊生志拙甘呼馬原憲才
疎愧結鶉書卷肯將奢儉論料人端不笑予貧

書王體仁壁

謬向疎慵索一箋自忘詞客久登壇詩豪筆醜蕃
薇露文將旗摩杏子天尾附信然司馬論先驅難
得祖生鞭他年倘定文章價誰與龍門太史賢

葆璞堂詩集

卷一

九

妾婦行為王友李明府作

翔風吹裳聲惻惻妾婦偕夫走江北道路遙遙春
水深連天蔓草非鄉國夫病膏肓忽喪亡幼子嗷
嗷空斷腸衷情哽咽誰能會背面偷垂淚兩行往
來觀者咸嘆息無人解措移山力哀情苦意徒自
知逢人不道饑無食爾時李公初下車目擊此婦
心躊躇寧無親知與戚里焚焚守此欲何如婦言
家在湖南住生來不識天涯路兒婦薄命輕遠游
千里移家等閒度尋常揮淚濕南雲渺渺家山勞
夢魂伶仃稚子無知識啼向秋天泣暮飧公聞此

言殊感嘆旋輸囊綵給緡貫仁人利濟逮窮黎指
畫須史極急難嫠婦感茲意氣真欲言不言難自
陳輿前跪拜深深語願公長作生民主

山行

清泉隨處濯衣裾
砍得柴根照夜書
酒熟稻香人事好
愛山真欲買山居

竹梢搖影入雲龕
松韻離披軋曉風
萬物自閒天籟合
道人心與碧山同

試把高山當子期
清琴對汝一彈之
忽然觸動涓涓水
流到人間知未知

葆璞堂詩集

卷一

十

草廬圍繞竹籬笆
藉步春生滿徑花
只有野人無箇事
常容日夕醉隣家

松菌當巖滴溜圓
蕨芽初放未舒拳
山僧也解閒滋味
好與同叅玉版禪

芹芽新茁勝桃花
牽惹東風幾片斜
自是漁翁來去便
不曾迷路問桑麻

野花繡作錦
郎襠名藥吹風分
外香
尋得天台黃獨種
不將栽法教漁郎

藤蔓垂垂覆苑牆
綠陰搖影入書堂
忽然嗅得幽蘭氣
添我蓬門華戶香

日午陰森夏木稠
蔭林清露未全收
幾回欲把松風賣
只恐人間無價酬

野花嬌豔參差出
百鳥清音唱和濃
石徑草封人跡少
丹書持向最高峯

稻穎風搖穉榘香
幾家春釀急秋嘗
蹇驢也自知行徑
乘醉扶人到草堂

幾峯雪色醺天白
一路松枝照眼青
樵子頻來無禮數
瓦盆煨酒讀騷經

贈潘鴻儒

尋常藻思漫離披
霽月光風許獨知
對境樂偕仁

葆璞堂詩集

卷一

十一

智趣承顏色動桂蘭
枝種花不羨河陽好
擲果偏憐玉樹竒
每向商山新雨後
亂峯深處採靈芝

壽姚明府太君

玉扃晨啟黃金殿
雲開碧落朱霞旋
結璘宮闕空嵯峨
人間始有真閨範
坤靈育德屬名門
曰嬪歸來見典型
四德克全稱內助
嗣徽爭說太夫人
司寇堂前侍巾箒
西清署裏稱慈母
恩勤撫育百斯男
教養儀型昌厥後
父道師道兩俱全
母儀家國誠獨賢
戴高履厚被恩澤
大化不言何擇焉
感君之德何所祝
萬井偕聲歌百祿
丙方星瑞孟秋高

萊衣滿廷紅撲簸

戊寅偶成

冠年名已到南宮強仕身猶滯桂叢偏是青山能
戀我枉教白髮漸成翁未完雪案平生債虛駕雲
衢萬里風難道榜花真分定教人慚愧說冬烘

叢臺

寂寞荒臺古殿餘水風吹柳綠徐徐舊堦草色青
無際新月眉灣畫不如

下有照眉池

殘照往來成邃古

遺民顛倒說當初武寧雄度今何似野杏飄香入
廢墟

葆璞堂詩集

卷一

十二

初出都門見新柳

纔覩楊枝覺眼明兩行金縷拂行旌前途漸入邯
鄲去喜與家山算到程

卧龍岡

命世經綸抱膝初層岡環繞近荒墟劈分川蜀興
炎漢想像雲龍卧草廬全鼎未完心有憾壯猷雖
茂志難舒生平盡瘁歸遺表多少名臣愧不如

又成斷句三首

雲幔垂垂覆草廬幽岑荒徑漫踟蹰乾坤未老經
綸在此後人還領得無

幾尺枯茅天地寬就中陶鑄漢江山請觀初出茅
廬日割據公然鼎足看
得意高歌梁甫吟南陽城畔結廬深自從白水真
人後剩有茅亭說到今

園居雜詠八首

深深歲過舊青萍短鍤長饒貯一庭爐冶典司金
作用轆轤發動水精靈恪遵先嗇春秋令自著農
夫稼穡經龍缺久韜光焰寂不教容易逼寒星
學書學劍兩無成收拾犁鋤且學耕入壠稻風香
擺極聒人簷鐸響鋌錚是誰戴笠鋤新月獨我焚
葆璞堂詩集 卷一 三
膏蒸短檠料得雞肥禾熟後也勝年少請長纓
十畝田園五畝池綠陰深處聽黃鸝黑甜性僻機
心少白版簷高午夢遲雞肋棄之殊可惜猪肝遺
我竟何裨自甘粗糲清閒甚一任饑腸飽藿藜
吝鬼慳魔苦見侵驅他特特費搜尋文公搦管親
書檄李子磨錐痛下鍼伏櫪尚慚千里足執鞭虛
耐十年心高山流水如知我交付幽懷語素琴
偏於險處巧撐持始信天工妙絕竒哲士每先留
藻鑑愍生到底得便宜不因曾母曾投杼那許匡
衡便解頤已省桃僵非李代富營安樂傍東籬

看得蠅頭太認真腥羶隊裏轉情親
炎炎面目新來勢撲撲鬚眉舊日塵
古尚存乎寧學我臣之壯也不如人
崢嶸傲骨磨礪就肯為醢鹽漫乞隣
久拚春早入皇州冬杪徘徊尚此留
楮火高裘解印端溪硯老石封侯不
隨俯仰寧株守長抱堅貞恥暗投指
點雲山孤絕處大書居士號休休沾
泥短翮撥雲難誰與扶搖借一搏囊
裡銳錐難自脫匣中長劍不輕彈情
知拙喙疑陶犬未信芳言比臭蘭毛
羽離披綿力少小山那得便如垣

美中表明府書梓潼帝君像為蔡仁趾預賀

葆璞堂詩集

卷一

十四

道水春浮七曲山引流何地不潺潺
紅綾欲倩朱衣抱黃籙先教墨綬頒
旋擬東坡留玉硯更從西舍探金環
麒麟種豈人間得桂藥高期第一攀

賀蔡仁趾

桂有子兮蘭有蓀玉田清種培仙源
流光集慶入庭軒高君之戶大君門
承承衍衍固靈根佑我後人聯玉崑
繩其祖武無比倫大椿歲月枝葉繁
使君世德久長存

紙錢

何年作俑贊幽元楮錠裝金待火燃
明教沉灰埋

浩劫暗疑夜市有銅錢人間未必皆貪鬼世上何曾有吝仙爭似升香無體質等閒縹緲達寥天

壬午十二月有猾吏偽造邑尊過款八條邑

尊疑余所為作此寄之

人情雨覆雲翻似壮志天青日白同意故諒難誣
馬援蟄龍端不礙蘇公徒然晝虎能添翼畢竟弓
蛇悞捉風稍待氛氲消散後蒼蒼依舊是晴空
熒熒燈影障浮紗戴鬼虛生兩眼花信耳誤投曾
氏杼當機誰領趙州茶豈真市虎傳來謬畢竟心
猿會處差索性劃開清濁水等閒莫漫着泥沙

葆璞堂詩集

卷一

十五

步葵園周明府退食韻

平生風雨惜交遊自愛薪樵五月裘伯樂不來甘
伏櫪淵明歸去苦吟秋空疑陶犬無長技自信匏
瓜肯浪求倏見西京詞賦手輸君擬作十年酬
鉛槧焚膏經幾年短檠風雨夜鑽研那容計較量
才斗早已安排造命天尺護欲伸寧自屈青蠅無
附待誰傳新來得御龍門李敢乞先鞭與後賢
震起雷霆百里聲口碑嘖嘖耳盈盈共言鐵面心
如水誰信黃河笑擬清書卷當前皆實學邱園隨
分惜虛名已拚麥飯齏鹽裏拙笨踈慵老一生

尋常捉筆太矜持却費塗鉛更抹脂名士聲華高
邃古大家文字重清時亂飄郢客歌中雪揮洒陳
芳國裏詩自有雞林聲價在那能消受俗人知

官臣哉遊邯鄲盧生祠有斷句云點綴乾坤
任有無炊梁何必謂全誣人人都向邯鄲
醒宇宙撐持付夢乎步韻和之

曾向蓬萊問徑無隨聲敢道古人誣且須破格高
擡眼能向癡人說夢乎

纔說丹成盡道無曉曉聒聒自還誣寧知勞攘浮
生事不及炊梁一瞬乎

蓀璞堂詩集

卷一

十六

去後行踪渺若無口碑誰是復誰誣即今倘到邯
鄲市枕子容余一睡乎

肯許憨生同夢無就中消息諒非誣洞庭鐵笛秋
橫水世上阿誰領會乎

覺非烏有夢非無學得惺惺也是誣推却枕頭睜
眼看幾人稱是獨醒乎

夢裏勳名孰解無貪他枕子受他誣往來盡向邯
鄲宿難道黃梁未熟乎

慎莫隨波問有無豁開雙眼便知誣如何一霎黃
梁飯偏覺後容耐熟乎

醒夢憑人說有無誰甘逐浪受他誣行藏總付天
為主不亦中流自在乎

癸未初改授廣文詠懷

麈尾雄談向冷羶久無心計說先鞭怡情秋水莊
生劍得意春風茂叔蓮生趣發揚窓外草道心安
頓坐中禪華胥國裏閒來往長喜圖書手自編
記得遺經在過庭書燈入夜惜流螢鹽車竭蹶悲
長坂羊角艱難守北溟投筆憾無飛虎相學農慚
愧丈人星幸留閒署安排我憑仗金聲作典刑

濶落悒悒萬里遙羈栖無乃似鶴鷓韋編信手成
葆璞堂詩集 卷一 七

三絕蕉葉隨時掛一瓢靜愛黑甜容嬾癖醒依白
醉代炎飈山陰有客乘舟到也作平原十日邀
但識隨宜任自然刻舟誰待擬前賢梅花和靖多
真趣蝴蝶莊周有夙緣三躍縱餘燒尾火六經不
是打門飄芳腴漱得津津味抱月橫琴笑向天

和闕子履韻

緼袍無計敵霜寒畢竟誰憐范子單酒盡漸愁囊
橐減客疎新覺室廬寬不思狡兔免縈三窟却恨封
泥少一丸奢念等閒驅遣盡解頤聊共說微官

都門行樂詞

嬌紅嫩蕊開春帳桃花李花艷相向京都年少恣
遊嬉踏青賽廟紛游漾百戲攢成錦簇圍朱輪翠
憶生光輝初見長繩習高架騰身欲學烏鵲飛別
有高橋支兩竹不踐泥塗踐平陸亭亭孤鶴出雞
羣風迴電掣無停軸凝眸修覺塵如霰云是嬌娃
推寶鞦搖鞭橫攪彩雲斜據鞍迴趨參差燕六街
鼓吹忽然喧競擁粧臺較轉旋攢來百寶渾無價
驚起嫦娥那得眠結璘宮裏霓裳爛瞥向平臺露
嬌面空際飛盤弄小珠掌中跳躍搖金鈿三刀陡
向青天起百萬蒼龍齊掉尾攔空碎遠攪銀河白
葆璞堂詩集 卷一 十一

青郊草花氣

酬彭修子

鏤月鐫霞海上歸等閒百斛賣珠璣風飄玉壘隨
雲轉手挽銀濤作雨飛芸氣出匳清到榻柳絲縈
檻綠侵衣瓶中剩貯薔薇露班管終期借一揮

璩受茲寓中與高荆襄談詩

曾讀荆襄律一篇最難開口是天然麒麟篆熱新

詩伯弘昴星占舊謫仙璞玉渾金長落落風樞陣
馬獨翩翩尋常那辨豐城氣遙夜寒芒牛斗邊
蓬蒿匝地水東流人事低昂可自由烏豆力強參
朮弱鼎爨色暗砮硃優步兵難得惟青眼毛穎封
公是黑頭幾度臨淵徒自羨綸竿無計獨夸猶
食愛琅玕栖愛梧囀囀原不似烏鳥域中制詰歸
清署海上文章屬大吳礙眼浮雲飄野馬誤人殘
牘濫吹竽只須收拾高山曲肯以春秋問螻蛄

送蕭在豐南歸

聞說歸航楚澤深天涯羈客思難禁扁舟一葉香
葆璞堂詩集

卷一

九

然去秋水長空何處尋北極影寒知已夢南雲淚
濕故園心梅花正向江南盛莫吝繁枝惜好音

石天一癸未登第後以憂歸作詩貽之

紫禁銜恩射策回親揮彩筆動三台遺經學自傳
家得問字人嘗逐隊來讀禮胡為居北牖誦詩悔
不補南陔遙知竹徑斑斑淚堂上看雲劇可哀

咏月

萬籟向晦寂清輝獨高潔何當半生心對此一輪
月

聞汪丈訃音詩以輓之

聞說喬柯逐逝川不禁清淚濕南天來時就我叮
嚀送眷戀春風執馬鞭

曾訂花開綠蔭繁薰風相會在都門如何露白蒹
葭老秋水寒烟冷故原

寥寥雲樹隔長天草蔓山荒總可憐父執故人看
欲盡後生那得不悽然

秋夜聞笛

擁被怯霜聞塞雁解衣偎枕坐寒更是誰夜半吹
橫笛攪亂西風夢不成

秋懷

葆璞堂詩集

卷一

二十

秋氣悲如此嗟予獨久淹吟無知己共貧有客愁
魚支枕聽孤雁當門掩破簾剗除心上事落葉滿
虛簷

得韓翰雪手書

露重霜寒苦縵眉南雲何處慰相思只從錦鯉裁
成後想及賓鴻寄到時後勁不須羞款段前程竟
懶着鞭箠何如半壁龔宮好老大疎慵兩得宜

生辰

滿眼羔羊缺五縫他鄉愁絕是寒冬荆榛道路羈
酸伯塵上衣冠愧老農書卷漸拋猶繾綣鄉心極

盛反從容誰云四九知非早頭白甘為待叩鐘

男季堂校字

葆璞堂詩集卷一終

卷一

三

葆璞堂詩集



上海圖書館藏書云四九知非早頭白甘為待叩鐘

葆璞堂詩集卷二

光山胡煦滄曉

趙州道中

征鞍日日畏塵囂
據馬揮鞭頗自勞
來往不知緣底事
春風七度趙州橋

湯陰謁岳忠武王廟

南渡煙霾草樹昏
岳王故里峙中原
早傾玉壘讐難復
親捧金牌聲暗吞
恨血已沉留碧草
忠肝不朽貫天門
權奸鑄像看長跼
遺臭何曾蔭子孫

過陶城經元亮先生隱居

葆璞堂詩集

卷二

一

三徑何年便寂寥
東籬殘菊影蕭蕭
督郵滿眼無迴避
獨自先生愧折腰

將抵家望樸公山

蕭蕭疲馬又空回
拂拂征衫着土灰
却愛樸公眉眼好
最先迎我過淮來

園居

抱甕攜鋤種野蔬
菜根滋味寄蝸廬
省言自覺心無事
契理深知樂有餘
得意何時無妙解
忘機隨便只攤書
嘗將蠹喙消殘紙
閒叩希夷語太虛

小園芟草

可憐嘉植沒蒿蓬不及荆榛暢曉風入手怕粘蒼
耳子凝眸旋注白頭翁肯容野卉閒滋蔓正要庭
柯漸鬱蔥蕪穢芟除楨幹茁干霄從此入雲中

山行

遠岫如堪挹登臨漸覺賒老松無俗韻香藥有靈
葩雨卜山腰霧晴占石嶺霞隔籬聞犬吠始得見
桑麻

曲折遂窮搜林深氣象幽巒花蟲鑿字卧嶺石呼
牛夜怪金星逼朝疑木客愁忘機到麋鹿天地信
虛舟

葆璞堂詩集

卷二

二

乙酉元日遲春漫興四首

東陸韶光得得來銀幡綵勝幾徘徊勾芒已領催
花檄葳蕤猶疑候琯灰顧影有時成獨往看雲無
緒轉相猜幾番欲怪東風懶識面先傾藍尾杯
曲徑離披草蔓荒曉煙東望樹蒼蒼暗香入夜無
滋味眠柳終朝是睡鄉彭澤酒疎春寂寞孤山月
淡路昏黃誰從門戶祠膏粥引得條風到草堂
霜威雪態老寒冬屈曲泉根守蟄龍頻到窓前看
草色更從池畔探春融空粘獻歲桃符換未辦堆
盤菜甲供欲向東君問消息憑添繡線學從容

茫茫春事杳無邊幾處亭臺冷曙烟參茸未中星
黯淡衡陽將到雁翩躚祈來富貴非常策乞與聰
明懶着鞭坐待吹來鄒律暖斗杓將轉玉衡旋

立春

陽春有脚幾時歸嶺畔梅枝寄不違鞭得土牛行
繡隴戴來綵燕照瓊幃南溟計日看魚躍北塞當
天有雁飛最愛青青河畔草鋪英滿地是生機

平聲詩

梅風生東園池篁薰西坪幽芳將貽誰孤懷難為

情

葆璞堂詩集

卷二

三

小遊仙詩

泠泠風御渺長清九萬搏來一羽輕誰信雲蒼高
絕處寥天猶有鶴長生

劈破洪濛辨劫塵杳冥何處覓元真金烏推動朝
霞色喚起神州夢裏人

碧落遙空信兩行朱幡前導未分明石鯨月下三
山路捲起秋雲聽海聲

松醪一泛紫霞杯玉管金瓊徹曉開袖出小龍吟
向月宿雲嬌鳳一雙來

紫霞沉醉蔚藍天枕月看雲自在眠碧宇竟將椽

筆署乾坤容我作詩仙

炎漢何人辨劫年冷灰埋盡舊時田海塵揚後麻姑到初教龍耕水外烟

皓白橫秋曳冷光素娥偷便試霓裳雲璈欲作鈞天奏儀舞新來教鳳凰

洞天蕭散已多時瓊圃瑤臺任所之忽聽火鈴宣誥敕一齊回首肅朝儀

步王卓崖老懶韻

眼中曾不着纖塵陸中間方外民石火浮空原幻幻衣珠入手自真真青蓮居士生前舌金粟如葆璞堂詩集 卷二 四
來覺後身已放乾坤容巨眼經天緯地是何人
世網牢籠隔幾塵和光猶且混斯民情知即幻原
非幻那識求真已不真五葉花中忝覺路三生石
上說前身筌蹄忘了無多子未信從來肯負人

即事

誰謂桃源道路賒繞溪深處盡桑麻莫言方鑿投時謬甘學匏瓜守亦差信耳何人非市虎疑心到底屬弓蛇情知久被微名誤便可持竿上海槎

儀少尹張公築草堂於署中和呂皆實韻

浚水中間作草堂周遭間值小垂楊藥欄乘興都

鵝檄棋陣分標自闢疆
椽筆撥開金薤倒羽觴
推動墨花香葛洪更乞仙
居令願與溪山共夕陽

題柏山文倚劔白雲天圖

注目烟嵐獨往還
截雲吳鐵嘯秋山
探珠只待驪龍睡
摘羽憑將綵鳳刪
似雪肝腸渾浩浩
如蘭氣味自閒閒
何人月旦推高品
應在朱霞白鶴間

贈樾阡廖明府

謫仙與坡仙並妙
入君筆遠踪希殷
徐近代固無匹
所賞在寥濶
抉理竟微密
上齊鑄黃金
殊光露真質
措之彛鼎
色叶之鐘呂
律鞭翻却鳳
鸞先駕葆璞堂詩集
卷二
五
踰繩尺方當陟天衢
胡為就散佚
伊余昔仰止
恍馬如有失
佳辰獲良晤
大叩無全匿
願舒徑寸輝
浮景出深室

贈王繩晉

窮達固有命
志士貴葳蕤
蠻氏自營觸
壯心殊不違
道存意想濶
境閒視聽非
遊覽涉書史
落筆無停機
清歌激遙天
濁酒澆素薇
洄水足蟠屈
水清波浪微
誰能生羽翰
萬里遂搏飛

贈束良友

相彼天下士
如君良獨希
選言居體要
契理得精

微白壁無前侶黃鐘黜化機對花療靜癖將鶴報
晨晞金薤琅玕倒清詞日月輝馬圖紛鄴架流水
出桐徽涉趣既未遠賞心殊不違

瀚如座中讀田太夫子壁間詩步韻和之

摩挲書篋解行牘多恐綿才力不勝村落校年搜
石墨古碑磨字讀韓陵庭虛雪作紛紛態硯涸池
封的冰情好倍於春酒味高春酌到夜張燈
彰德太守郭公重修萬金渠書於碑陰

洹水分流繞郡城夜春都向桔槔生只須太守如
椽筆洒作黃金次第行

葆璞堂詩集

卷二

六

聖澤原來在此中阿誰穿徑許流通情知萬載歌
神牧岸引瓢傾入化工

萬金渠

未遣黃熊入羽淵劈分河水潤原田平鋪月鑑無
遺照徧灑商霖紀有年勝算已知侔鄭國素心端
不負庶泉汪洋千頃知誰是雅量春收小百川

重修萬金渠為郡伯郭公頌

洹水出行山洹流赴東極誰肇過其流而以便種
植魏渠創厥始萬金續前德畎畝屈曲通漸與城
隍逼轆轤夕不閒盆盂數環息竭來郭細侯疏濬

邁恒識牖石開水關引流注溝洫資其浥注功遂
茲灌溉力未須縵汲勞馮夸殫厥職庶幾億萬載
利濟垂典則

玉簪花和劉荻江韻

誰把連城壁一丸鑿成釵向鬢頭安當風旋覺香
生髻錯與金鈿作對看

藍田舊種並珊瑚雪色殊光艷五都浮渲未撩仙
子鬢名園親犯小蜂鬚

鳳仙

風前瞥見鬪嬋娟一搗媽紅滴滴鮮嫁與吹笙王

葆璞堂詩集

卷二

七

子晉碧霞遙起海南天

劉荻江以詩見貽却贈

洄湓冷署淒涼久筆硯生疎閉窓牖入門長揖是
阿誰劔鋏書滕不離手狀貌蒼鬣骨格竒短袖單
衣露兩肘相看年齒廿餘齡自言頻向江湖走生
來慣食武昌魚也曾親折章臺柳蕪城豪客盡知
名瓊花觀裏推詩友采石閒吟李白詩夸門許步
侯嬴後踪跡由梁歷燕趙更欲入秦擊秦缶幾回
推倒座上僧踢翻葫蘆弄筋斗云胡不歸值數竒
跌宕詩篇挂人口寧使貂狐老敝裘肯逐螢光同

腐朽自笑自吟還自斟醉後寧辭一千首旁有見
者人未知荻江知之云是某

書錦堂

定策勲庸在兩朝老依鄉郡極風標文章定許歐
陽最俎豆難同世代祧揮手拂雲開日月潔身闢
路出烟霄錦衣絕艷無前侶醉白襟情遠俗囂
疊浪衝開萬里長風雲際後見明良胸襟蘸洗秋
江水懷袖招攜烈日光已有鼎銘懸白晝不勞高
炬照昏黃何當更錫麒麟篆摺笏垂紳領廟堂

張慧中攜女史作遊漫賦

葆璞堂詩集

卷二

八

玉鈿金鋪繡帳開掃眉閣下探春來招攜明月穿
湘水收拾銀箋上鏡臺篋貯大家修史筆胸羅文
苑出羣才奚囊滿貯新來詠不遣鶯花負酒杯

贈胡臨川

四月青門別行裝駕紫駝即今新作郡何日共鳴
珂桐谷松浮翠嵐光月暎波多君榮族譜把酒意
如何

贈袁美中

神君為政自忘機葉縣中年總不違無事低昂調
玉軫有時顛倒着緇衣米家畫舫常時具杜子詩

囊信手揮莫訝薰風生几席瑤琴一曲鶴翻飛

葆璞堂擬古

小齋不數椽聊以葆天璞寧無殊色光蘊真自含
蓄所貴在不雕完神秘深谷吁嗟流俗人徒作頑

石目

親識渾沌面欲與渾沌說澹爾忘語言契合高深
闡衆有歸本根渺如洪爐雪天尚無朕兆含生安
足列羲皇固未忘一畫天機洩

高鳥自在飛與吾同意趣古人既已遥疲神勞遠
泝道勝非語言理精越章句吾自適其適安用逐

葆璞堂詩集

卷二

九

健步

顆粒渺太倉一葦輕雲濤不自覺瓊屑安知天地
高緬古亦已往下矚徒為勞虛將一寸心遠視極
秋毫愈遠愈無際鬱鬱何處搔

虞泉濯寒魄洗出白玉盤照耀歷今古推上青雲
端明暗變晦朔相循如轉丸浮翳庶斂戢皓白豈
所殫

天地無棄材榆櫟豈淪落尺寸苟有資徒之就繩
削搜括至梁棟匠氏數駭愕安知有靈椿春秋八
千各度量不可測所湏非斧鑿樹之無何鄉因天

寄真托

聖學在疇昔抉理盡深錮六經竟實用藝事悉該
措豈有文字科衡材較名數制義一以崇帖括相
馳騫兀兀事空文白首死章句所學非所宜徒為
古人誤

拳石生泰山堅貞自結構未逢米海嶽誰令入懷
袖真賞出真鑒不在透縐瘦唇吻徒開張篤嗜亦
已謬明珠滯五都何心自求售

度量各殊軌相去豈尋倍升斗恥斛石江河愧滄
海何況於人心高厚比覆載誰令束縛之狹隘失

葆璞堂詩集

卷二

十

真宰虛受信有基過則勿憚改

蘭茝生幽谷本無殊色光藤蔓恣蕪沒喬林競高
張葆真固獨知從風揚遠芳樵牧無深識衆草以
為常不逢尼山叟安識王者香

輓何倬雲

八斗才華一擔收檢書燒燭最風流胸襟竟與天
爭濶文字真同峽倒流高掇酒杯增意氣廣收名
筆肆窮搜邇來頻夢章江水不似滕王閣上遊
記得西江手一編短檠風雨共周旋高情跌宕希
三古雅量汪洋貯百川錦羽摘殘雙鳳翼博山焚

出老龍涎於今縱有登樓興風雅何人說仲宣

彰德郡治後老槐一株云係宋植郡守郭公

作堂於其側向未有名一日乩仙降筆有

跨鶴槐堂之句公遂取槐以名其堂詩以

紀之

閭山崔嵬高綿延靈根秘固周劫年申甫篤生寧
妄傳乃有郭公繼孤騫瓊安玉質浩無前等閒潑
墨揮霞箋寸紙觸手龍蜿蜒媿媿鴻詞著大篇高
攜曜靈濯虞淵天柱補綴周八埏為憐蒼赤多蒙
顛開豁徑路除顛連湛恩霽霈如湧泉窮巖幽谷
葆璞堂詩集

卷二

十一

蒙陶甄乃復檢校搜內篇道心微密神完堅靈芽
默孕廻丹田垂簾密密契真詮皇人心怡無棄捐
偶然憑乩一至焉彌空唳鶴飛翩躚欲下不下相
廻旋中有真人即廣筵授以方藥希神仙更披金
薤額堂顏謂槐托根與堂聯孤幹挺直撐雲烟不
朽之姿堪比肩

魏公勲名在彝鼎歸來置堂名畫錦茲之槐堂亦
大奇額顏乃屬仙人題柯葉有如松栢實萌芽便
具千霄質尺匣光芒徑寸珠鴻才勃窣奮天衢仙
機深隱渺不測憑槐傳與時人說槐宸自昔對三

公天池豈許常人同

槐堂又得二十韻

虛宿儲英久高堂歷晦暝不知年近遠偏愛氣芳
馨日麗婆娑影天垂覆蓋形雨絲頻滴澀風韻響
伶行恰與高軒逼嘗從靜夜聽聲音出金石柯幹
養精靈縈碧堆書案牽青入畫屏夜星添綴實朝
旭幌流螢葉帶莓苔色枝撐烏雀鈴罨雲留去跡
垂蔓掃閒庭逸趣凭欄茂幽情與道冥指之心愈
渺對此眼彌青詎但酬初志兼堪對大廷元和滋
孕育胞與闢儀型布德風行草徵材藥備苓蒲鞭
葆璞堂詩集

卷二

十二

槐堂又得七律二首

堂下陰森植古槐軒屏撐起拂雲裁欲將廣厦師
函蓋肯以堅貞愧美材元氣內涵真脈固生機遍
覆頌聲來曾聞面與楓宸對故遣仙乩作巧媒
退食從容有所思每依柯幹鑒鬚眉貞心故與高
槐似清影先教素檻知敞豁胸襟憑月色掃除塵
悶有風枝最宜庭院寬如許却被繁陰總受持

鄴署牡丹盛開郭太守招同陶臨漳李浴日
高逸千小飲卽事

簿領乘閒幽興催探春隨便到亭臺
招攜百葉仙人下更約青州從事來

酒涵花影溜紅光花帶微醺滿面香
正是華清新浴後起來頻啜紫霞觴

又似霓裳下蕊宮舞多春重眼朦朧
曾叨勅給松齡酒臉暈潮生一捻紅

已知國色無雙白更喜天香分外清
却是丰標帶真率翻嫌脂粉太粗生

葆璞堂詩集

卷二

十三

與月平分一段清將風引出小吟聲
夜來仔細籠燈看解語分明別有情

座有三賢廣宴開漸予醉後與趨陪
不應獨許腰金紫等待明朝太傳來

以余後至故未章云然

和樾阡廖明府不染庵之作

黃華巖高歷巉嶮端拱森嚴望之儼
中有真人襟帶斂乃營書屋貯金檢
別構小楹稱不染敝衣蔬食從吾儉
孤情未怕時人厭掃除穢濁栖玉簞
朝曦高眠到日晡無餘無剩何所歎
據案有時搜琬琰毫端飛作虬龍閃
千丈虹霓掣芒酸戶外林印

自夸險簾垂兌塞門常掩天心日倩丹元檢洗濯
靈珠攝魔魘蘸水嬌荷青冉冉植根原不同菱芡
白璧未受青瑕玷無欺此之謂自慊比於古人諒
不忝

不染瘡

一椽編入最高岑坐擁黃華敞素襟
潔雪滿消江漢水渾泥故出芰荷心
閒雲過後山無跡林鳥飛來樹有音
總與靈臺空障礙道人久已息深深

珍珠泉

尋到源頭活處行無邊造化此中生
涓流已具朝葆璞堂詩集
卷二
古
宗勢顆粒都含太極精一串牟尼呈
滴瀝滿盤瓊璣吐虛明等閒灑作商
霖去能使霑濡滿郡城

登凌虛閣

高閣凌虛頗自豪當天闢路見鴻毛
引來曲沼教通海移得蓬山許戴鰲
莫怪塵埃干不到都緣身分坐來高
等閒眺望青天近堪與雲霞競彩毫

觀周漢公畫山水歌

東絹展開冰雪冷搦管當胸數研審
神工鬼斧暗驅馳欲割峩嵒千尺嶺
三筆兩筆濃淡墨大山小山隨手得
奧林不受暑寒侵山精魑魅藏幽深
我

欲從之恣探歷未定窮搜消幾日

題畫

放生

慎莫貪圖顆粒肥樊籠深處是危機眼前天地寬
如此任爾逍遙得便飛

常向林園憶舊遊禽飛翩翩語啾啾阿誰解放閒
韁鎖提到雲山最上頭

傳杯

憑將心事付新篔簹小乾坤是酒甌餘瀝不教存
一滴也須秩贈醉鄉侯

葆璞堂詩集

卷二

十五

洗兒

柏袂常教海水滙紫泥歸去獨飄然三千年外無
人見不用明皇賜洗錢

磨鏡

銅暈多年雜點塵等閒蒙蔽舊來身撥開雲霧依
稀看還是從前清白人

秧歌

太平時節省催科鼓腹熙然樂事多莫道康衢今
罕有竟須逐隊聽秧歌

題周漢公畫人物歌

漢公妙趣非常得橫鉞豎拂都竒絕
目中嘗自無古人比於平山更孤潔
渺無塵滓入胸懷手腕搏成生活力
山僧童子貌依稀發現天光形影徹
就中一人如有言揮麈猶疑霏玉屑

雜題周漢公畫冊

賣藥翁

肘後有方無處捨蹇驢安穩勝騎馬
成都市上不逢人又向山中歸去也

寒山九老圖

點綴遙空雪一堆凍雲栖老樹
崔嵬不知年歲經蓀璞堂詩集
卷二
多少曾到香山社裏來

策蹇尋山

萬木龍蔥秀作行近含宿霧遠含蒼
閒來結伴尋山去小蹇揮鞭過草堂

芭蕉梧桐

佳植由來待鳳攀綠陰斜倚欲歌歌
鬟倘容懷素舒椽筆不放芭蕉一葉閒

蓉桂

丹桂連雲透碧霄芙蓉含露晚來嬌
一從寫入鸞溪絹縱得秋霜也不凋

牡丹

淺碧嬌紅玉幾堆
檻前新見數枝開
賞筵若肯當風設
定有天香入酒盃

畫虎

牙爪雖成眼未明
虎文從教犬羊輕
旁人不信丹青妙
看取先生一點睛

梅花雙雀

嘗與幽人伴
索居暗香浮
動月明初門前
雙雀喧呼甚
知是林逋處士廬

鷹

葆璞堂詩集

卷二

十七

草枯風勁露痕乾
健翮摩雲破曉烟
自占繁枝最高頂
一羣凡羽下寥天

鷺鷥

露頂風飄一足伸
蓴鄉秋老待潛鱗
前身定是投竿叟
常在蘆花淺水濱

題繆州守樂只編

未省經綸果若何
謳聲偏向汝南多
共言異政今無匹
定是長才可不磨
鬱鬱荀香通雅座
融融趙日逗春和
却慚搦筆非斑管
也向隣封放浪歌
見說神君惠澤長
威名原不遜龔黃
平懸玉鏡高

千尺坐擁冰壺靜
三方大業總成今
卓異高操全
是漢循良莫愁待詔依
龍哀賴有恩貽召伯棠

贈陳明府鴻翁

帝簡鴻才置良牧
外為股肱內心腹
惟牧親民民
戴之繡錯河山照
幽獨淮水滌紆疊
作瀾環此弦
山恰一丸民疲地瘠
流離久荒落零星良
可嘆山
左陳公蒞茲土
春風風人春雨雨天
喬凝露盡蕃
滋惠政續紛不能數
清如玉壺置寒冰澄
徹晶瑩
應獨勝高如浮光插
天表泰山一登天下
小明如
赤日麗秋空野馬塵
埃還皎皎卓魯已往
孰紹之
葆璞堂詩集

卷二

六

濯江暴陽道在茲
等閒一煥宮牆色
還與橋門垂
準則師法治法俱
不朽深夜談經忘
夜久鳴琴邊
月洽幽情鶴睡風
搖總不驚情知待
詔朝天去只
有清風傍馬生

贈陳媿輔

薰風上下來誠和
生衣裾時雨茁庶
品孚甲勃然
舒沐茲神君化億
兆何遽遽斯民三
代直無毀亦
無譽淳薄視轉移
妍媸與之俱既使
枯者良還如
無懷初亦令頑者
更坦怡安田廬道
在政刑外禮
樂兼詩書觀化得
其理臨民常晏如

題媿輔陳中尊攀轅錄

論石長才自有真不緣製錦學經綸清晨據案諏
民事白晝攤書問古人桃李芬披花作縣冰霜凜
冽玉為神循聲珥筆書難盡載聽輿歌動

紫宸

今古循良孰與儔果然名譽滿中州一天清露蘇
枯槁萬戶歡心起頌謳賣劍買牛龔渤海驅蝗馴
雉魯中牟徒勞借寇煩人思名已書屏在上頭

又贈陳媿輔

東國家聲舊南淮事業新聊將真學問做出大經

葆璞堂詩集

卷二

九

綸萬戶恩波遠千家惠澤勻試從隴畝看鼓腹是
何人

雄文歲二酉漢法約三章道抉程朱秘身依鄒魯
鄉弦山偕德峻涑水共恩長兆姓商霖望還期遍
八方

小試調羹手平分造化工但憐蒼赤瘦不惜橐囊
空犴狴閒生草琴堂靜有風高門真可俟差足紹
于公

維彼喬松四章章四句頌陳媿輔

維彼喬松枝若雲垂鬱鬱葱葱百族是依

維彼喬松蔭茲嘉穀既裕且豐兆人之欲
維彼喬松矯兮叅天亦集鸞鳳狸鼠斯遷
維彼喬松厥幹虬然庇我弦城億萬斯年

贈李明府玉友

斗山望重與雲連渥澤今聞遍古弦百里琴堂時
解愠萬家篝火待炊烟田中鼓腹耕時雨城上栽
花了俸錢宦况自来清似水久應達向五雲邊

權嘯軒

權嘯竟如何歲真得琢磨竒情知我獨妙解向誰
多鑿井探坤德吟風領巽和有時凝望眼自顧未
葆璞堂詩集 卷二 二

蹉跎
未識拈花旨馬知嘯裏心野藤喬木峻窪澤海洋
深斥鷃修鵬羽瑤笙學鳳音竟須親捧腹回面看
牆陰

呈湯學使

直掛懸瓠走迅湍憑移萬嶽障狂瀾撥雲扶出千
尋日探海高擎百尺竿方折旋波求蘊玉錦文青
羽識雛鸞席珍盡屬籠中有天漢從教刷羽翰
毓得青芬傲骨香肯隨時態作商量手揮障海彌
天翳眼破當空烈日光放倒鹽車尋小驥展開鵬

翻出秋洋他年肆入康莊路記取持衡是九方
黯黯塵封架上芸阿誰擡眼別猶薰獨憑鑑徹秋
江水直欲抽空冀北羣已有士先推貢禹料無人
更愧劉蕡昏衢盡掃朦朧色泥濁蓮清那不分
並生原不愧天工雨露栽培大化同臃腫曲成勞
鑿削枯良收拾入悒悒孤燈暗室通宵白一鶴青
天萬古空玉尺調停春浩蕩斗山從此挹高風

葆璞堂詩集

卷二

男季堂校字

三



